



KEMENTERIAN PERLADANGAN DAN KOMODITI
MALAYSIA

SIARAN MEDIA

**KERAJAAN PERKENAL INSENTIF RM3.5 JUTA SOKONG PENSIJILAN
MSPO BAGI PENIAGA BUAH KELAPA SAWIT**

Kementerian Perladangan dan Komoditi memperkenalkan insentif berjumlah RM3.5 juta bagi menyokong peniaga buah kelapa sawit, memperoleh pensijilan Malaysian Sustainable Palm Oil (MSPO).

Inisiatif ini merupakan langkah proaktif Kerajaan bagi membantu peniaga buah kelapa sawit memenuhi keperluan pematuhan semasa, di samping memperkukuh daya tahan rantai bekalan sawit negara.

Lebih 3,000 peniaga buah kelapa sawit yang layak di seluruh negara dijangka menerima manfaat, tertakluk kepada syarat dan kelayakan yang ditetapkan. Permohonan bagi insentif ini boleh dikemukakan kepada Malaysian Sustainable Palm Oil (MSPO) mulai 15 April 2026 melalui sistem e-MSPO.

Pelaksanaan inisiatif ini selaras dengan usaha memperkukuh pelaksanaan menyeluruh MSPO 2.0, di samping menyokong agenda negara dalam memastikan industri sawit Malaysia terus berkembang secara mampan, bertanggungjawab dan berdaya tahan.

Kerajaan menjangkakan langkah ini akan membantu memperluas liputan pensijilan dalam kalangan peniaga buah kelapa sawit, seterusnya mengukuhkan keseluruhan ekosistem rantai bekalan sawit negara.

Kerajaan akan terus mengambil pendekatan yang bertanggungjawab dan berfokus bagi memastikan industri sawit negara kekal stabil, berdaya saing dan diyakini pasaran.

Dalam keadaan semasa, adalah penting setiap langkah yang diambil dapat memberi sokongan yang berkesan kepada pemain industri, khususnya yang terlibat secara langsung dalam rantai bekalan sawit negara.

Inisiatif ini mencerminkan usaha berterusan Kerajaan dalam menjaga kebajikan rakyat serta memperkukuh keyakinan terhadap sektor sawit negara di pasaran domestik dan antarabangsa.

DR. NORAINI AHMAD

Menteri Perladangan dan Komoditi

11 April 2026

UNIT KOMUNIKASI KORPORAT | KEMENTERIAN PERLADANGAN DAN KOMODITI



www.kpk.gov.my



Kementerian Perladangan dan Komoditi



mykomoditi

No. 15, Aras 8, Persiaran Perdana, Presint 2, 62654 Putrajaya, Malaysia.
Tel: 03-88803322 e-mel: ukk@kpk.gov.my